

歐陽氏族譜

歐陽氏族譜

重修歐陽族譜叙言

孫中山先生有言曰國者家之積人者
心之器國事者一人羣心理之現象也
吾心信其可行則移山填海之難終有
成功之日吾心信其不可行則反掌折
枝之易亦無收效之期則今日吾族之
修譜又何異於是夫一國不能無廢興

變遷之端則不可無史一家不能無分
合隆替之跡則不可無譜史者一國之
大事故古者紀事有官譜者一姓之實
錄故閱世必一修由來尙矣吾族自序
進公遷泰聚族而居閱四世至吾曾祖
光公網羅舊聞始得創修支譜蓋自清
咸豐六年迄今又九十餘年未一再修

宋儒有云譜至二世不修爲忘祖三世
不修爲滅祖每當春秋祭祀族人羣聚
之際亦皆曰譜宜修也而事過境遷又
已遺忘不復道夫事可與樂成難與謀
始此人情之常固不足責春秋之義責
在賢者吾先父及伯叔亦嘗有志於此
矣乃吾父一官遠宦南北奔馳里居日

少晚年丁艱歸正事修輯而天不假年
遽赴道山吾伯叔又以人事忽卒中年
棄養未遑及此余少時雖早聞先人之
訓迨後幕遊四方未遑寧處然此心未
嘗一日忘也今春歸里卽集族衆謀曰
時近百年數閱三世譜牒未修不孝之
罪其能免乎族長以下均以是事責余

環顧族內上明先人之統下開後代之
緒非余之責而誰責乎用是搜集舊譜
前者仍之新者增之仿志體例分門別
類較舊譜增十之六分十卷訂爲上下
二冊自夏徂冬然猶排除衆難始克告
成余因是重有感焉以余兢乚爲譜豈
有他哉蓋自清代至今疊遭兵燹先人

所錄餘慶譜已蕩然無存重以壬申癸
酉之歲赤焰梟張吾家廬舍典籍悉遭
浩劫獨舊譜一牒尙幸先靈默佑出諸
劫火之餘然亦虫蝕過半矣及今不圖
再過數十年將見世系源流亦泯然無
可考矣又苦經費莫籌僉議以容軒公
祭田本年存爲修譜之需并將隔年應

先完賦糧一並清完俾後之值祭者只
按年收租納糧嗣後得免墊賦之苦一
舉而二善併誠無過於此故余於執筆
之餘惟有敬恭將事致其嚴謹之詞其
於費用獨任其勞除印刷紙墨必需外
其他概從節省上對列祖列宗在天之
靈下對伯叔兄弟以至後代子孫或能


鑒諒愚衷不以爲迂且拙也重味中山之言益知族譜之作所以感奮人心俾民彝克敦使孝悌親愛之念油然而生由家族而進國族發揚光大須於是乎賴但願世世子孫永守弗墜繼美前徽所以佑啟我後人者將見家乘與國史爭光庶不負今日興修之厚望也乎

中華民國卅四年乙酉歲孟冬月吉日

七世裔孫法學士鵬謹識

國陰旅記

民國丙戌年重修



創修歐陽族譜序

蓋聞萬物本乎天，人本乎祖。尊祖故敬宗，敬宗故收族。收族之道，可或忽諸？然族必冠以宗者，何宗有五，其有無而莫之宗者，弗論已。宗其繼別子者，百世不遷；宗其繼高祖者，五世則遷。此大宗小宗所由分歟？歐陽氏徙自閩南安，則歐陽大宗之在南安可知也。來居秦者，則惟我曾祖序進公始第進公。遷秦時所携歐陽譜系，僅繕本迄今，歷數傳食，指頻增，未嘗付諸梨棗。禮云：庶姓別於上，而戚單於下。此其時矣。先誠慮夫手書之汗漫也，支派之繁衍也，生歿葬娶年日月時之難爲紀載也。爰謀諸族衆，將譜系鳩工付梓，以垂永遠。命侄敦檢閱繕本，殫力校讐，自序進公前舊者仍之，疑者闕之。自序進公後，條分縷悉，綱舉目張。余曰：善斯舉也，盛舉也。我族之宗進公，其卽小宗之義也。更復新鐫譜系，斯所謂繫之以姓而弗別，綴之以食而弗殊者。其收族之道，卽上而

敬宗上而尊祖之道也吾儕敢不踴躍共勦厥事耶光因是喜綴一言
以弁首云

時際

咸豐六年歲次丙辰仲夏

四代裔孫歲貢生光謹識

歐陽原修族譜序

歐陽先世越王之後烏程人也十三代諱伯生字伯和受尚書古文於伏生傳九世皆官博士故有歐陽家世尚書學李唐之初諱信本博通經史善仿王右軍書體四夷君長得其書者以爲重寶子通字元泰書亞於父世號大小歐陽體通季子昌字伯盛爲泉州判家於泉之潘湖時常袞爲閩觀察使始興學校昌與袞善其子詹字行周嘗學於袞之門吐詞錦綺下筆波瀾登貞元八年進士第與韓愈李觀李絳同臚聯唱時稱龍虎榜閩人科甲自公始也官國子四門助教治中門下中丞遷於莆之錦屏山下以其近靈岩精舍讀書處也九世孫諱杰字南唐保大元年徙居鳳山義井土傳四世孫諱伸字君直宋熙甯六年以諸科進授古田令丁母艱廬墓馬腰山之原芝開蓮花鳩馴白翼遂居原下自以家世文學倡乃改馬腰曰文峯是爲文峯歐陽焉築海成田伐

石砌路建文廟開義學設義倉濟疏殍伸仲子盼字明視登政和二年進士詳定司勅令刪定官方建炎二年特奏召授桂陽尉子直卿叙之以傳夫何金寇飲馬江右餘孽渡江爲患莆之名家不携囊入山必繫宗渡海族之上房爵公曰上歐者喬居於赤岐山之陰以避金牙將彭友之難往來文峯有前歐後歐之派嗚呼情見於親親見於服無服則親盡親盡則途人矣夫以一人身而分爲同姓以同姓而至於途人可概也夫世有親未盡服未窮而以途人同視豈天理民彝耶抑尊祖敬宗耶故曰三代不修譜謂之不孝余觀歐陽氏入閩以來無遠近親疎之間所謂不泄邇不忘遠孟氏之言豈欺我哉詹公之澤豈不遠耶予統兵南行因憇祠宇歐陽之子姓出示圖譜展卷長歎久之不覺抖擻而書諸譜次以識世澤云爾

宋嘉定五年歲壬申秋

總督六師征南大將軍左丞相周必大撰

重修歐陽族譜序

世多稱歐陽氏尙矣漢晉以來人未知學入李唐官國子助教進治中歐陽詹公始以文學倡而閩之文教實其藁矢迄今縉紳長者猶口碑公以爲士人著蔡公之垂範遠矣公之德行文章詳載韓文公退之集紀公先世俱爲閩官則公之甲族犹翹然林鄭徐黃之首顧世遠莫稽舊譜惟哀次昌公爲入閩始祖迄公則二世也再稽郡志公之後則居鳳山義井也公之裔則後先輝映也公之派則由莆迨泉皆一脉所分也宋末避金寇著作郎曄公曰爵者始由義井去之武盛里岐山之下居焉故後代皆爲赤岐之歐陽山本靈秀子孫多賢策名仕版者代不乏人固標勝茲土而爲郡乘之所艷美者也血食有祠合族有譜業有宋儒周必大先生爲之序誠可傳於無窮矣我明嘉靖間三十一代孫天祥公表揚先德修明譜牒請翰林方齊林公文俊序之數十代簪纓